

## Media Prima terima kunjungan delegasi II-VI Malaysia

Oleh [Azhar Shahrulnizam](#) - Julai 28, 2022 @ 6:02pm  
[bhnews@bh.com.my](mailto:bhnews@bh.com.my)



Lawatan korporat II-VI Incorporated ke Media Prima Berhad di Sri Pentas. - Foto NSTP/Rohanis Shukri

KUALA LUMPUR: Media Prima Berhad (Media Prima) hari ini menerima kunjungan pengurusan tertinggi II-VI Malaysia Advanced Manufacturing Center Sdn Bhd (II-VI Malaysia) di Sri Pentas, di sini, hari ini.

Rombongan II-VI Malaysia, sebuah syarikat yang terbabit dalam pembuatan peralatan telekomunikasi berpangkalan di Ipoh, diketuai timbalan presidennya, Jimmy Ling serta pengarah II-VI Malaysia, Noraini Ishak dan Lai Siew Fun.

Menyambut kedatangan syarikat itu, Media Prima diwakili Pengerusi Kumpulan, Datuk Seri Dr Syed Hussian Aljunid; Ketua Pegawai Eksekutif Media Prima Audio, Nazri Noran; Ketua Pegawai Operasi Media Prima Omnia, Mohd Efendi Omar; Timbalan Editor Kumpulan Berita dan Hal Ehwal Semasa, Rangkaian Televisyen MPB, Azhari Muhidin.

Menurut Ling, kunjungan itu bertujuan membolehkan syarikat memahami dengan lebih dekat operasi penyiaran serta mengeratkan lagi hubungan untuk manfaat bersama.

"Kami harap menerusi kunjungan ini, kedua-dua syarikat dapat mengembangkan lagi potensi yang dapat diraih menerusi kerjasama dan hubungan baik yang terbina selama ini," katanya.

Sementara itu, Syed Hussian berkata Media Prima dan II-VI Malaysia akan mengenal pasti potensi untuk bekolaborasi bagi mencerna faedah bersama.